



# Synfocity = 994

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

July 17, 2025

## ❑ **Synod Bookroom Reduction Sale**

Synod Bookroom chuan July 14-19, 2025 chung hian kum danga an lo tih thin angin, mipui tam zawkin man tlawm zawka bungrua an lei theih nan Reduction Sale chu Mizoram puma Synod Bookroom Branch hrang hrang bakah Distribution centre pahnih leh Churachanpura, Tuithaphai Branch Synod Bookroom-ah te neih mek a ni.

Reduction Sale-ah hian Synod Bookroom-a lehkhabu zawng zawng, Bible, Kristian Hlabu, Communion thil, Kohhran mamawh chi hrang hrang, Stationery Item zawng zawng leh School Naupang mamawhte 5% - 80% discount-in hralh chhuah a ni.

Synod Bookroom Reduction Sale hi a rualin Mizoram pumah July 14, 2025 (Thawhtanni) chawhma dar 9:30 khan tan a ni a. Branch hrang hrangah Branch Committee ruahmannain hawanna hun hman a ni a, Headquarters Mission Vengah chuan Rev. Dr. K. Lallawmzuala, Synod Executive Secretary, i/c PRESCOM etc. chuan Reduction Sale hi Pathian hnena hlanin Kohhran mipuite'n tangkai taka an hman theih nan a hawng a ni.

Synod Bookroom Reduction Sale hi mipuiin lehkhabu tha leina hun remchangah hmangin an hlut hle thin a. Sorkar Office leh Kohhran leh Mimal Library neite pawhin a hlawma lehkhabu leina hunah an lo hmang tawh thin a ni.

Tun dinhmunah Synod Bookroom hnuaiyah hian Branch 16 leh Distribution Centre 2 a awm mek a ni.

## ❑ **Revival**

Hulhliap Short Stay Center, Synod Revival Camping Centre, Neihbawia neih chu July 12, 2025 (Inrinni) khan a thawhkhatna an zo fel a, a tirah mi 256 an lut a, a tawp thlenga awm hi mi 119 (Mipa 105 leh Hmeichhia 14) an ni. Camp luh ni atanga ni 10 chung hi Detoxification atan hman a ni a, a hnu ni nga dang hi Clinical Counseling atan hman a ni a, chumi hnuah ni nga dang Spiritual Therapy atan hun hman leh a ni. Detoxification leh Clinical Counseling chungah senso hi sawrkarin a tum a ni.

Camp chhuakte hi thla thum chung vil chhonzawm an ni ang a. Rilru leh damdawi lama mi thiam rualin a tul angin an enkawl chhonzawm dawn a ni.

A thawhnhinna hi July 21, 2025 (Thawhtanni)-ah tan leh tur a ni a. Thawhnhinna hi chu mipa, damdawi-a harsatna neite tan chauh ruahman a ni a. Zu vanga buai leh hmeichhe tan chuan a luh theih dawn loh a ni.

## ❑ **KTP**

♦ July 11-13, 2025 chung khan Khawzawl Venglai Bial KTP Meet & Missionary Challenge hmanpuiin, Rev. H. Lalawmpuia, Leader, Tv. P.C. Lalthanmawia, committee member leh Mizoram Synod Choir te an kal.

♦ July 11 - 13, 2025 chung khan Saipum Bial KTP Intawhkhawm wawi 2-na hmanpuiin Pu Lalruatfela, Asst. Leader leh Pu Lalruatpuia, committee member te an kal.

## ❑ **Worship**

July 17-18, 2025 chung hian Zai hruaitu training neihpuiin Chawngtlai leh Kelkangah Tv H. Lalthazuala, Music Instructor leh K. Lalmangaihazuala, trainer te an kal.

## ❑ **SL&PB**

July 17, 2025 (Ningani) zan hian Thingsulthliah Kohhranah Literature Seminar nei turin Rev. PB Zosaphara, Editor leh Pu Zohmangaiha, Asst. Editor te an kal.

## ❑ **Kohhran Hmeichhia**

July 20, 2025 (Pathianni) hian Chanmari West Bialah Kristian Chhengkaw Campaign nei turin Central Kohhran Hmeichhe Hruaitute, Pi Vanlalthlamuani, Vice Chairman, Pi Zothanpari, Ex-Officio leh committee member-te, Pi R. Tlanghmingthangi, Pi Lalhlmpuii leh Pi Lalramngaii te an kal ang.

❑ **Mizoram Christian College (MCC)**

Mizoram University hnuai Even Semester 2025 Under Graduate exam result chu a chhuak kim tawh a. Mizoram Christian College-in result an neih dan chu hetiang hi a ni:

Semester	Zirlai	Pass	Pass Percentage
2nd Semester	110	89	80.91%
4th Semester	101	93	92.08%
6th Semester	68	64	94.12%
<b>Belh khawm</b>	<b>279</b>	<b>246</b>	<b>88.17%</b>

Tun dinhmuna MCC-in zirlai an neih dan chu hetiang hi a ni:

1st Semester	- 131
3rd Semester	- 110
5th Semester	- 103
<b>Belh khawm</b>	<b>- 344</b>

❑ **MSSU**

July 19, 2025 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Tlungvel Venghlon Kohhran : Upa S. Kapzathanga, Upa C. Lalbiaksanga leh Upa Lalchuilova  
 Vairengte Chhimveng Bial : Upa Hrilthansanga, Upa Lalsiammawia Pachuau leh Upa John Lalnunthara

❑ **Synod Mission Board**

**July 13, 2025 (Pathianni) khan Mission Field hrang hrangah hetiang hian belhtu thar an awm.**

Nepal Mission Field	-	4
Calcutta Mission Field	-	3
Odisha Mission Field	-	9
Jharkhand Mission Field	-	1
Assam Mission Field	-	4
Delhi Mission Field	-	4
Patna Mission Field	-	5
Cachar Tlangram	-	11
Arunachal & Assam Mission Field (West)	-	1
Upper Assam Mission Field	-	3
<b>Belhkhawm</b>	<b>-</b>	<b>45</b>

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Zemabawk East leh Zemabawk South	Leimin tuar	7	₹ 84,000/-
2.	Bethlehem Vengthlang leh Bethlehem Venglai	Damlo	6	₹ 60,000/-
3.	Thenzawl Kohhran	Leimin dawlina atan		₹ 50,000/-
4.	Sakawrdai leh Sakawrdai Hmarveng	Damlo	3	₹ 30,000/-
5.	Rangvamual	Leimin tuar	1	₹ 15,000/-
6.	N. Vanlaiphai	Damlo	1	₹ 10,000/-
7.	Puilo	Damlo	1	₹ 10,000/-
8.	Diltlang	Khawsak harsa	1	₹ 10,000/-
9.	Bunghmun North	Damlo	1	₹ 10,000/-
10.	Sihfa North	Damlo	1	₹ 10,000/-
		<b>Belh khawm</b>		<b>₹ 2,89,000/-</b>

June thla chhunga harsatna hrang hrang tawkte hnena Synod Relief Fund atanga chhawmdawlina sem zat chu ₹ 23,70,000/- a ni.

- ❑ **FM Zoawi - Aizawl & Lunglei : Hruaina Eng Radio Programme**  
**July 18, 2025 (Zirtawpni) @ 7:30 p.m. : FAKHLA HUANG**  
**Solo :** F. Lalzamliani - A zual zel ang, Baal hmaa thingthi ngai lo, Min thlang tawh si, **Thusawi :** Rev. C. Lalremzuala - Amen, **Zaipawl :** Chaltlang Bial Zaipawl - Ka zir fo thin
- ❑ **Su Samachar Prasaran Programme :**  
**July 20, 2025 (Pathianni) 5:30 pm. :**  
**Group/Choir/Solo :** R. Jydiel - Mero Jeevan, **Testimony :** Ezra Masih, **Group/Choir/Solo :** Chanmari Masihi Sangati - Jisu Tomai
- ❑ **Hruaina Eng TV Programme**  
**17.7.2025 (Ningani) 08:30 pm :** Thupui zir bing  
**18.7.2025 (Zirtawpni) 05:00 pm :** Kristian Naupang Pual  
**19.7.2025 (Inrinni) 05:30 pm :** Puitling Sunday School Zirlai  
**20.7.2025 (Pathianni) 07:00 am :** Sermon - Rev. Lalthatluanga  
**08:00 am :** Weekly round up  
**21.7.2025 (Thawhtanni) 08:30 pm :** Hruaina Eng luang chhuak - Rev. Ramdinmawia  
**22.7.2025 (Thawhlejni) 06:00 pm :** Nilaini zan thupui  
**08:30 pm :** Kohhran Chanchin - Sihphir Vengthar Kohhran
- ❑ **Moderator leh Executive Secretary-te Programme:**  
**Rev. R.C. Lalngakliana : Moderator**  
 July 19-20, 2025 Kanhmun Bial  
 July 22, 2025 Social Front Executive Committee  
 July 23, 2025 PRESCOM Executive Committee  
 July 24, 2025 Nursing College zir tur interview board  
**Rev. V.L. Luaia Hranleh : Senior Executive Secretary**  
 July 20, 2025 Bungkawn High School Veng Kohhran (Zan)  
 July 22-24, 2025 PCI Working Committee, Shillong  
 July 27, 2025 Ramthar Tlangveng Kohhran (Zan)  
**Rev. Dr. K. Lallawmzuala : Executive Secretary**  
 July 19-20, 2025 Rescue Home Managing Committee, Champhai  
 July 22, 2025 Social Front Executive Committee  
 July 23, 2025 PRESCOM Executive Committee  
 July 24, 2025 Nursing College zir tur interview board  
**Rev. Dr. Rosiamliana Tochwawng : Executive Secretary**  
 July 19-20, 2025 Thenzawl Vengthlang Bial KTP Programme  
 July 21-28, 2025 Odisha & Calcutta Mission Field tlawh

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

- Admission Form : Office hun chhungin ` 10/- a lei theih a ni
- Dil hun chhung : August 21, 2025 (Ningani) tlai dar 3:00 thleng
- Dil thei chin : Class VII pass, kum 16 chin, Kohhran dan chhunga awm
- Interview : August 26, 2025 (Thawhlejni) chawhma dar 10:00
- Class tan hun : September 1, 2025 (Thawhtanni)
- Zir hun chhung : September - November, 2025

Hre chiang duh tan Phone No. 8415852442/8794157618-ah zawhfiah theih a ni.

**Sd/-**

Rev. Lalenzika  
Principal

Presbyterian Bible School